



PERPUSTAKAAN
PENGGERAK
PERADABAN

Shaharom T.M. Sulaiman

**PERPUSTAKAAN PENGGERAK
PERADABAN**

**SHAHAROM TM SULAIMAN
MOHAMMAD FAZLI BAHARUDDIN**



IM BOOKS.EVERYTHING

Buku PERPUSTAKAAN PENGGERAK PERADABAN adalah diterbitkan oleh IM Books.Everything



IM BOOKS.EVERYTHING (No Syarikat SA0366438-K)
No. 3.2B, Kompleks KPPMS,
Lot 291 , Jalan RU 3/9A, Seksyen 3,
40000 Shah Alam
Tel: 011-19713311
Emel: books_everything@yahoo.com
LamanWeb: www.imbookseverything.com

Edisi Pertama 2016
Teks © Shaharom TM Sulaiman
Penerbitan © IM Books.Everything

ISBN: 978-967-14060-0-7

Hak cipta terpelihara. Tidak dibenarkan mengeluarkan mana-mana bahagian teks, ilustrasi dan isi kandungan buku ini dalam apa jua bentuk dan dengan apa jua cara, sama ada secara elektronik, fotokopi, mekanik, rakaman atau cara lain kecuali dengan keizinan bertulis daripada IM Books.Everything

Perpustakaan Negara Malaysia Data Pengkatalogan-dalam-Penerbitan

Shaharom TM Sulaiman, 1962-
PERPUSTAKAAN PENGGERAK PERADABAN / SHAHAROM TM
SULAIMAN, MOHAMMAD FAZLI BAHARUDDIN.

Includes index

Bibliography: page 111

ISBN 978-967-14060-0-7

1. Libraries and community.
2. Libraries and education.
3. Libraries and illiterate persons.
4. Librarians - Effect of technological innovations on.
5. Information storage and retrieval systems.

I. Mohammad Fazli Baharuddin, 1985-. II. Judul.

021.2

Dicetak oleh:

Perniagaan Normahs Sdn Bhd
No. 3,5 & 7, Jalan 12/10, Taman Koperasi Polis Fasa 1,
Mukim Batu, 68100 Batu Caves,
Selangor Darul Ehsan.

Isi Kandungan

PENDAHULUAN 1

BAB SATU

PERPUSTAKAAN PEMANGKIN PERADABAN 5

BAB DUA

PERPUSTAKAAN PEMBINA TAMADUN 27

BAB TIGA

PERPUSTAKAAN PEMANGKIN PERADABAN DI DUNIA BARAT DAN MELAYU: DULU, KINI DAN MASA DEPAN 35

BAB EMPAT

PERPUSTAKAAN ISKANDARIAH: PERPUSTAKAAN LELUHUR MANUSIA 57

BAB LIMA

DUNIA BUKU DAN PERPUSTAKAAN DALAM PERADABAN ISLAM 63

BAB ENAM

PERPUSTAKAAN DAN TRADISI KESARJANAAN 71

BAB TUJUH

KETERPESONAAN TERHADAP PERPUSTAKAAN : BELAJAR DARI CATATAN SEJARAH 77

BAB LAPAN

PUSTAKAWAN DAN KEPUSTAKAWANAN ISLAM: MENOLEH SEJARAH MENCORAK MASA DEPAN 81

BAB SEMBILAN

MALAYSIA DAN COMLIS 97

BAB SEPULUH

MEMBINA KEPUSTAKAAN MELAYU YANG CEMERLANG 105

BIBLIOGRAFI 111

INDEKS 119

BIODATA PENYUMBANG 125

PENDAHULUAN

KEWUJUDAN perpustakaan dan hubungannya dengan pembinaan peradaban merupakan sesuatu yang telah terbukti dalam sejarah peradaban manusia. Bahkan kelahiran perpustakaan yang di dalamnya tersimpan segala macam ‘samudera keilmuan’ menggambarkan cerminan khazanah intelektual sesuatu bangsa tersebut. Apa tidaknya, melalui perpustakaan kita ‘berkenalan’ dengan minda-minda terbaik manusia, mengagumi pemikiran-pemikiran besar yang mewarnai peradaban manusia dan berada di perpustakaan seolah-olah mengembara dalam lautan ilmu yang menjernihkan hati dan memperkaya nuansa pemikiran. Ia ibarat sebuah perjalanan *spiritual* yang hening, harmonis dan mencerdaskan. Benarlah, apa yang diekspresikan oleh Jorge Luis Borges (1899-1986), “*I have imagined that paradise will be a kind of library*”.

Buku ‘Perpustakaan Penggerak Peradaban’ yang berada di tangan ANDA ini ingin melakarkan kehebatan pengaruh perpustakaan dalam pembinaan peradaban manusia. Ia

merangkumi sepuluh bab dan tiga bab daripadanya di tulis oleh tiga tokoh sarjana dan cendekiawan Malaysia yang tersohor.

Bab 1 bertajuk 'Perpustakaan Pemangkin Peradaban' ditulis oleh Prof. Dr. Abu Hassan Hasbullah yang melakarkan dinamisme perpustakaan masa lampau, masa kini dan masa depan. Di dalamnya terungkap falsafah dan estetika perpustakaan yang sepanjang sejarahnya telah memberi makna dan mewarnai peradaban manusia. Bab 2 pula ditulis oleh Sasterawan Negara Prof. Dr. Muhammad Hj. Salleh yang menceritakan perpustakaan sebagai sebuah tradisi cemerlang dalam sejarah yang telah sekian lama membangunkan tamadun manusia. Tanpa perpustakaan, tradisi dan khazanah ilmu tidak memungkinkan warisan kebijaksanaan manusia berkembang sebagai sebuah peradaban.

Bab 3 ditulis oleh Prof. Dr. Ding Choo Ming yang memperkatakan perpustakaan sebagai agen peningkatan peradaban dalam konteks perpustakaan bertindak sebagai pusat pembelajaran, manakala peradaban dalam konteks pembangunan dan kemajuan orang individu dan masyarakatnya. Sejak zaman dahulu lagi, pengajaran ilmu dan maklumat yang membawa kepada pemanfaatan ilmu dan maklumat di perpustakaan dengan berkesan itu telah merangsangkan penyelidikan yang seterusnya telah membawa kepada penemuan baru yang menjadi asas mempercepatkan pembangunan minda manusia yang selanjutnya merintis 'lorong baru' kepada pembangunan ide baru selain menggalakkan penyelidikan baru ke atas sains dan teknologi.

Bab 4 menceritakan pembangunan semula Perpustakaan Iskandariah di Mesir, sebuah perpustakaan tertua dunia yang mewariskan kebijaksanaan leluhur manusia yang telah dijarah pada tahun 48 SM oleh tentera Rom pimpinan Julius Caesar. Akhirnya pada bulan Oktober 2002, perpustakaan tersebut dibangunkan

Pendahuluan

kembali dalam wujudnya yang moden. Rekaiciptanya luar biasa diilhami oleh semangat “*Ra*”, yakni Dewa Matahari orang-orang Mesir purba. Terletak dekat lokasi perpustakaan lama di bahagian Barat Kota Iskandariah di tepi Laut Mediteranean, perpustakaan ini memiliki tujuh lantai 37 meter di atas tanah dan 15.8 meter di bawah tanah.

Bab 5 menghuraikan dunia buku dan perpustakaan dalam peradaban Islam yang menjelaskan keakraban perdagangan buku dan pembinaan koleksi perpustakaan. Turut dikemukakan beberapa contoh perpustakaan penting dalam peradaban Islam. Bab seterusnya menceritakan pengalaman unik Matthew Battles yang terpesoma dengan kehebatan perpustakaan-perpustakaan besar dunia sepanjang perjalanan ‘intelektual-nya’ sehingga beliau membuat keputusan untuk menjadi seorang pustakawan. Battles belajar dari sejarah silam tentang kehebatan pustakawan dan kegemilangan perpustakaan dalam sejarah peradaban dunia.

Bab 6 pula menjelaskan kecemerlangan perpustakaan dan tradisi kesarjanaan. Kewujudan perpustakaan membuktikan keberadaan peradaban yang diwarnai oleh ilmu pengetahuan dan ini sekaligus mewarnai tradisi kesarjanaan dalam sesuatu tradisi kecendekiawanan bangsa. Kehebatan pustakawan dalam peradaban Islam amat terserlah dan peranan mereka sebagai ‘pustakawan-sarjana’ telah mewarnai kegemilangan perpustakaan menjadi fokus perbincangan bab 8. Bab ini juga menghuraikan kepentingan bidang kepustakawanan Islam sebagai satu disiplin baru ilmu kepustakawanan. Bab 9 membincangkan peranan COMLIS atau Kongres Pustakawan dan Ahli Sains Maklumat Muslim mendepani cabaran globalisasi dan perkembangan teknologi maklumat dan komunikasi yang semakin canggih dan

kompleks dan bagaimana ia dapat membantu ummah. Bab ini juga melakarkan penglibatan Malaysia dalam COMLIS. Bab 10 melakarkan kepentingan membina koleksi perpustakaan Melayu yang bermaksud segala penulisan mengenai Alam Melayu yakni: demografinya, budayanya, sejarahnya, institusi sosialnya, dan apa saja yang berkaitan dengannya. Perpustakaan Melayu memang cukup kaya sepertimana yang tergambar pada manuskrip, katalog, buku atau pendokumentasian dalam bentuk pengawalan bibliografi.

Buku ini dengan segala kekuatan dan kekurangannya didedikasikan kepada isteri dan keluarga penulis yang sentiasa memberi sokongan dan komitmen yang tinggi. Penulis juga merakamkan jutaan penghargaan kepada Prof. Dr. Muhammad Hj. Salleh, Prof. Dr. Ding Choo Ming dan Prof. Dr. Abu Hassan Hasbullah yang memberi keizinan untuk menerbitkan artikel mereka dalam menyempurnakan buku ini. Sesungguhnya sumbangan tokoh sarjana ini telah memberi nuansa kefahaman yang jelas tentang keagungan perpustakaan dalam sejarah peradaban manusia. Semoga buku ini memberi manfaat dan mampu ‘membibitkan’ kecintaan kepada perpustakaan yang sebenarnya mewarnai ‘Dunia Ilmu’ dalam kehidupan kita.


SELAMAT MEMBACA

SHAHAROM TM SULAIMAN

MOHAMMAD FAZLI BAHARUDDIN

UiTM, Kampus Puncak Perdana

Shah Alam, Selangor Darul Ehsan.



Ketika memasuki perpustakaan itu (Perpustakaan Iskandariah), saya ibarat tenggelam dalam lautan buku yang mengasyikkan, saya ingin mencapai apa saja buku yang tersergam erat di celah-celah rak yang tersusun rapi dan terasa ingin membaca segala buku yang terdapat di dalamnya. Saya tidak tahu buku mana yang harus saya dahulukan tetapi 'jiwa' saya seakan-akan berkata "bacalah kesemuanya" kerana kamu tidak mempunyai masa kerana terlalu banyak ilmu yang ingin diketahui. Akhirnya saya capai apa saja buku yang hampir dengan saya dan 'keghairahan' itu amat mempesonakan sehingga tanpa disedari masa telah lama berjalan. Saya tersedar apabila pustakawan memberitahu masa penutupan perpustakaan telah hampir. Saya memandang raut mukanya (pustakawan), hati kecil seolah-olah mahu berkata: Tinggalkan aku bersendirian, jangan ganggu aku dalam keasyikkan pengembaraan ini...Aku sedang berdialog dengan "orang-orang pintar dan bijaksana dari masa lampau dan "mereka" mencerdaskan aku". kata-kata ini diungkapkan oleh Matthew Battles ketika ziarah intelektualnya ke perpustakaan-perpustakaan besar dunia.

Disisi yang lain, ada seorang tokoh ulamak Ayatullah Ma'rashi Najafi di Gom yang mempunyai kecintaan yang tinggi terhadap buku sehingga dapat membangunkan perpustakaan peribadi yang besar dan digazetkan oleh kerajaan Iran sebagai khazanah negara. Menurut cerita anaknya, Dr. Mahmoud Ayatullah Ma'rashi, semasa pengajiannya sentiasa mengembara dan menyimpan sejumlah wang untuk membeli manuskrip sehinggalah dari masa ke masa koleksi manuskripnya semakin membesar. Beliau dikatakan sering menahan lapar untuk membolehkannya membeli kitab atau manuskrip. Ayatullah Ma'rashi sebelum meninggal telah mewasiatkan supaya jasadnya disemadikan di dalam Perpustakaan Peribadinya. Dan sekiranya kita berkesempatan mengunjunginya, akan terlihat makamnya di bahagian hadapan pintu masuk perpustakaan tersebut. Cukup mengesankan hati melihat betapa akrabnya hidup sarjana dengan dunia buku dan perpustakaan.

Sekelumit kisah yang dipaparkan ini menggambarkan pengaruh perpustakaan dalam peradaban manusia yang secara harmonisnya menggambarkan keakraban ilmu, buku, sarjana dan ini sekaligus mewarnai tradisi kesarjanaan dalam sesuatu tradisi kecendekiawanan bangsa.